


WALDY SIMSON TA TOPA NELSON MANDELA

STA. CRUZ -- Tres dia despues di su noventa aniversario e luchador grandi di democracia y derechonan humano, ganador di e premio Nobel pa paz den 1993 y prome presidente di Sur Africa, despues di eleccionnan democratico y representativo, Nelson Rolihlahla Mandela y e artista polifacetico Waldy Simson a topa den e Nelson Mandela Youth and Heritage Centre cu ta na Qunu na Sur Africa. Simson tabata di 10 di Juli te cu 6 di Augustus pasa riba invitacion di Nelson Mandela Museo Nacional, na Sur Africa, pa duna un exposicion riba cual el a expone obranan di estilo tiffany, pinturanan, obranan di corta papel y obranan den cual e artista a haci uso di diferente tecnico. Riba e apertura di e exposicion, riba cual tabata tin discursonan di entre otro Khwezi Ka Mpumlwana, e Chief Executive Officer di Nelson Mandela Museo Nacional, e obra di estilo tiffany Amandla, cu Simson a traha na Hulanda, despues di inauguracion door di entre otro Pumeza Mandela, a wordo regala na e museo pa haci mas grandi su coleccion di obranan artistico y, entre otro, decoracionnan cu Nelson Mandela a haya di diferente caminda rond mundo. Bishitantenan di e exposicion tabata di entre otro Sur Africa, Israel, Inglatera, Canada, Austria, Suiza, Merca y

Hulanda. Di Amandla, e unico obro estilo tiffany den e coleccion di obranan artistico di e museo, lo wordo publica tambe tarhetanan door di Nelson Mandela Museo Nacional cu ta wordo bishita door di hopi hende di diferente caminda rond mundo. Riba peticion special di directiva de e museo Simson a duna un workshop di dos dia a base di e tema e lucha pa libertad na Sur Africa. Waldy Simson, kende tambe ta bay skirbi tocante su experencianan na Sur Africa den su boeki. Nieuwe pennevruchten van Simson, ta gradici di curazon Vertegenwoordiging van Nederland op Aruba, Ministerio di Turismo y Transporte di Aruba, e fondo cultural Arubano UNOCA, Prins Bernard Cultuurfonds voor de Nederlandse Antillen en Aruba, Interprint, prensa di Aruba y Surinam, algun otro organizacion y tur esnan cu ta gusta locual Simson ta haci riba tereno di arte pa na sosten a base di cual e donacion di Amandla na y e exposicion den Nelson Mandela Museo Nacional por a tuma lugar. Nelson Mandela Museo Nacional, cu ta existi di tres componente, cu ta na Mthatha, Mvezo y Qunu por wordo conecta via:

PO BOX 52808 / Mthatha / 5099 / Sur Africa /, mandelamuseum@intekom.co.za y www.mandelamuseum.org.za.



NOTICIA

POLICIAL

ACCIDENTE

DEPORTE

Cell: 731-1003

e-mail: noticiatordia@hotmail.com

Pa Cualkier NOTICIA yama nos!